



明吳又可先生溫疫論醫門普度卷上

孔毓禮

以立評

昭陵

龔紹林加評

黎水楊大任

占儀

李硯莊重訂

陳元

節菴

全校

原病

病疫之由昔以爲非其時有其氣春應溫而反寒夏應熱而反涼秋應涼而反熱冬應寒而反溫得非時之氣長幼病似以爲疫余論其不然夫寒熱溫涼乃四時之常因風雨陰晴稍爲損益如秋晴多熱春雨多寒亦天地之常事未必爲疫也傷寒與中暑感天地之常氣疫者感天地之

陽氣在歲有多寡。在方隅有厚薄。在四時有盛衰。此氣之來。無論老少強弱。觸者卽病。邪自口鼻入。舍於伏膺之內。雖惟自口鼻而入。所以感疫者。或重似傷寒。或輕若虛勞。初起總是胸膈緊悶。故凡遇病人。脈數有力。胸膈不快。或重似傷寒。不可發散。以虛其表。或輕似虛勞。不可溫補。以固其邪。照後方加減用之。萬治萬效。

其邪去表不遠。附近於胃。乃表裏之分界。卽鍼經所謂橫連膜原是也。邪在膜原。正當經胃交關之所。故爲半表半裏。其熱淫之氣。如浮越於太陽。則有頭項痛。腰痛如折。浮越於陽明。則有目痛。眉稜骨痛。鼻乾。浮越於少陽。則有脇

痛耳聾寒熱嘔而口苦大概邪越太陽居多陽明次之少陽又其次也邪之所着有天受有傳染所感雖殊其病則一凡人口鼻之氣通乎天氣本氣充滿邪不易入適逢虧欠外邪因而乘之昔有三人冒霧早行空腹者死飲酒者病飽食者不病疫邪所著又何異耶若其年氣爲厲不論強弱觸之卽病則又不拘於此矣其感之深者中而卽發感之淺者邪不勝正未能頓發或遇飢飽勞碌憂思氣怒正氣被傷邪氣始得張溢營衛運行之機乃爲之阻

龔曰深者一中卽發爲害猶小何者初發如傷寒狀醫縱昧爲疫猶作傷寒治之表劑不見效至用三承氣時亦

或獲愈蓋治傷寒與治疫邪傳到胃同一治也至感之
淺者初不見甚病及過飢飽勞碌憂思氣怒或五心潮
熱或日晡熱甚或足膝無力或頭腰背疼或心疼氣痛
或脇痛腰疼或咳嗽吐血或協熱下利病者不知先感
有疫止述目前病狀醫者不知先感有疫止據現在病
症妄擬投劑愈治愈劇雖不即死必成痼疾其爲害無
底矣急宜留心此編

由是人身之陽氣因而屈曲故爲病熱其始也格陽於內
不及於表故先凜凜惡寒甚則四肢厥逆陽氣漸積鬱極
而通則厥回而中外皆熱至此但熱而不惡寒者因其陽

氣之周也。此際應有汗或反無汗者。邪結有輕重也。即使有汗。乃肌表之汗。若外感在經之邪。一汗而解。今邪在半表半裏。表雖有汗。徒損真氣。邪氣深伏。何能得解。必俟伏邪已潛。表氣潛行於內。乃作大戰。精氣自內出。膜原以達表。振戰止而復熱。此時表裏相通。故大汗淋漓。衣被濕透。邪從汗解。此名戰汗。當卽脉靜身涼。神清氣爽。劃然而愈。此際應有汗句。非謂用藥表汗也。當此之際。其病將愈。應有汗。蓋溫疫汗解在後。傷寒汗解在前也。

然有自汗而解者。但出表爲順。卽不藥亦自愈也。伏邪未潰。所有之汗止。得衛氣暫通。熱雖暫減。逾時復熱。午後潮

熱者。至是鬱甚。陽氣與時消息也。自後加熱而不惡寒者。陽氣之積也。其惡寒或微或甚。因其人之陽氣盛衰也。發熱或長或短。或晝夜純熱。或黎明稍減。因其感邪之輕重也。疫邪與瘧彷彿。但瘧不傳胃。惟疫乃傳胃。始則皆先凜凜惡寒。既而發熱。又非若傷寒發熱而兼惡寒也。

韓日瘧爲少陽經病。居半表半裏之間。故不傳胃。疫邪伏膜原。去胃不遠。故多傳胃。凡遇症似瘧疾。舌胎黃者。三消飲取愈。舌胎不黃者。三消飲去大黃。此中辨別萬無一失。

邪已潰。方有變症。其變或從外解。或從內陷。從外解者順。

從內陷者逆更有表裏先後不同有先表而後裏者有先裏而後表者有但表而不裏者有但裏而不表者有表裏偏勝者有表裏分傳者有表而再表者有裏而再裏者有再表再裏者從外解者或發斑或戰汗狂汗自汗盜汗從內陷者胸膈痞悶心下脹滿或腹中痛或燥結便秘或熱結旁流或協熱下痢或嘔吐惡心譫語唇黃舌黑胎刺等証因證而知寢因寢而知治此言其大畧詳見脉證治法諸條。

溫疫初起

溫疫初起先憎寒而後發熱日後但熱而不憎寒也初得

之二三日其脉不浮不沉而數晝夜發熱目瞤益盛頭疼身痛其時邪在伏脊之前腸胃之後頭疼身痛此邪熱浮越於經不可認爲傷寒表症輒用麻黃桂枝之類強發其汗此邪不在經汗之徒傷表氣熱亦不滅又不可下此邪不在裏下之徒傷胃氣其禍愈甚宜達原飲

龔溫歿之脉必數而實傷寒之脉必遲而緊今人不知脉理每見病人頭疼身痛診得數脉認爲緊脉以爲傷寒表証漫用麻黃桂枝湯以虛其表故病轉劇甚矣學者不可不知脉也。

達原飲

檳榔二錢 厚朴一錢 草薢仁五分 知母一錢 芍藥一錢

黃芩一錢 甘草五分

右用水二鍾煎八分午後服

按檳榔能消能磨除伏邪爲疎利之藥又除嶺南瘴氣厚朴破戾氣所結草薢辛烈氣雄除伏邪盤踞三味協力直達其巢穴使邪氣潰敗速離膜原是以爲達原也熱傷津液加知母以滋陰熱傷營氣加白芍以和其血黃芩清燥熱之餘甘草爲和中之用以後四味不過調和之劑耳凡疫邪遊溢諸經當隨經引用以助升泄如脇痛耳聾寒熱嘔而口苦此邪熱溢於少陽經也本

方加柴胡一錢。如腰背項痛此邪熱溢於太陽經也。

本方加羌活一錢。如目痛眉稜骨痛眼眶痛鼻乾不

眠此邪熱溢於陽明經也。本方加乾葛一錢。症有遲速

輕重不等藥有多寡緩急之分務在臨時斟酌所定分

兩大畧而已不可執滯感之輕者舌上白胎亦薄熱亦

不甚而無數脈其不傳裏者一二劑自解稍重者必從

汗解如不能汗乃邪氣盤踞於膜原內外隔絕表氣不

能通於內裏氣不能達於外不可強汗病家見加發散

之藥便欲求汗誤用衣被壅遏或將湯火熨蒸甚非法

也然表裏隔絕此時無避溢之邪在經三陽加法不必

數語乃症
病生死關
頭當思有
法以處此
果可擅用
苦寒。方
詳攻補兼

用宜照本方可也。感之重者。舌上胎如積粉滿布無隙。服湯後不從汗解。而從內陷者。舌根先黃。漸至中央。邪漸入胃。此三消飲證。若脉長洪而數。大汗多渴。此邪氣適離膜原。欲表未表。此白虎湯證。如舌上純黃色。兼見裏證。爲邪已入胃。此又承氣湯證。也有三兩日卽潰而離膜原者。有半月十數日不傳者。有初得之四五日。淹淹攝攝。五六日後陡然勢張者。凡元氣勝者。毒易傳化。元氣薄者。邪不易化。卽不易傳。設遇他病久虧。適又微瘕。能感不能化。安望其傳。不傳則邪不去。邪不去則病不瘳。延纏日久。愈沉愈伏。因誤認怯證。日進者。

尤愈壅愈固不死不休也。

日。古來方書汗牛充棟。莫不各有治疫之方。惟感疫而頭腰背項強痛。胸膈不緊者。遵用九味羌活湯則效。又有感疫。日重夜輕者。遵用人參敗毒散可愈。此外不效。皆因錯認病原也。凡疫不拘大小男女。胸膈緊悶。日輕夜重者。十有八九。惟此達原飲。方真千古治疫妙劑。醫者渡人寶筏也。照症加減。無不扶效。但氣虛之人。頭暈不舉。其脈必右寸無力。或兩寸皆空。宜加黨參以扶正氣。又有血虛之人。足膝冰冷。其脈左尺無力。宜加熟地以補其血。務要細心按脈體認的確。不可妄擬加入。以

是症
脉是脉症

致誤人性命

又邪不去則病不瘳此真詮也。蓋人生天地無邪不病。無病不虛庸醫不察脉症。但見病人骨瘦如柴。卽認爲怯症。雖診得其脉。數而有力。妄談脉不對症。不依其脉用藥。止擬投以溫補。愈補愈危。至於用參亦不能救。乃委之命醫者。不自咎病家亦不咎醫。皆由不知脉理也。夫虛人必有虛証。虛証必有虛脉。虛脉按之如無。虛証胸膈不緊。今脉旣數而有力。症現胸膈不快。是感不正之氣伏鬱於內。何云脉不對症哉。如果眞虛。肺氣虛者。氣不足以息。頭不能高舉。亦有胸膈痞痛者。以手輕按。

之則稍止其脉右寸無力此氣虛之驗也以補氣藥調之則愈脾土虛者面色黃瘦卧則腹痛食飽則愈或食入思睡或食即瀉此脾虛之驗也其脉右關無力以補脾藥用之即瘥命門大虧者腰膝冰冷飲食不化二便異常此命門大虧之驗也其脉右尺不显以八味地黃丸投之即效真心虛者時常驚悸言語多妄此心虛之候也其脉左寸無力以補心丹治之即效然又有氣虛之人左寸無力以兩寸法天皆屬陽也陽即氣也補氣而兩寸即起矣此在醫者臨症詳審真胆虛者聞響即怯心如人捕此胆虛之驗也其脉左關無力以溫胆

援前方爲
治瘧之仙
方但審之
爲瘧證如
援此方無
不效者孔
丈所論乃
萬中之一
或偶不中
耳不可執

藥治之卽效。真水虧者足脛俱冷。行步無力。毛髮枯焦。此水虧之驗也。以滋腎藥造之卽效。于虛易補。信不誣也。然此各樣虛証。亦不過言其大概而已。尤宜參各方書。而細心領之。常見今之醫者。多以感邪脈症。漫作虛治。害人不淺。故特將各臟虛實與脈而表其大畧云。孔毓禮曰。此非先聖之方。乃時賢所創。其意在氣行則邪行。故用三味破氣之品。以檳榔有逐瘴之功。故君之。然邪在元氣傳化。設遇老弱之人。而概投此方。豈非寇至而自決垣墻耶。非有大力者以主持之。不可用也。知芩芍藥。乃寒涼之品。設證不見煩熱燥渴。脈不見滑。

此而疑吳先生苦心經營之仙方也。凡感溫疫未有不胸膈痞滿煩熱燥渴者。故達原飲爲必不可少仙方也。

數亦可適用耶。疫病非不可發散如柴葛解肌柴胡升麻人參敗毒凡見三陽表證皆可選用得汗不解者再和其裏倘數劑不汗不可強責其汗和之清之下之而汗自出。若夫達原飲惟上膈痞滿者宜之胸膈空曠未可漫施也。脾開竅於口肺開竅於鼻然肺屬清肅之臟穢濁之邪不易干胃爲水穀之海藏垢納污況陽明脈絡起於鼻之交額中疫邪自口鼻入必先犯胃是以疫病下奪而愈者多也。龔瘟疫之脉本邪氣內鬱非用此破氣之藥斷不能逐。吳先生實發前人所未發而爲醫家之功臣也。孔氏何